

Құрметті Бейбіткүл Сәрсемханқызы!

Сізді және Сіз баскарып отырған ұжымды Қорқыт ата атындағы Қызылорда университетінің құрылғанына 85 жыл толу мерейтойымен құттықтаймын!

Ұлы өнерпаз, қобыз атасы атындағы университет- Сыр өңірінің іргелі оқу орны. «Тұранның төрі, жыр-әннің елі» саналатын Қызылорда аймағын ғана емес, республика аумағына қажет кадрларды даярлауда аянбай еңбек етіп, адамзат өркениетінің алғы шарты- білім- ғылыммен қатар, еліміздің өнер мен мәдениет саласының дамуына да үлкен үлес қосуда Қорқыт ата атындағы Қызылорда университетінің маңызы зор. Мұнда ұстаздар қауымы жаңа заман талаптарына сай сапалы білім бере отырып, бәсекеге қабілетті көрсеткіштерге жетуде. Осының барлығы университеттің толағай табыстарының жарқын көрінісі деп білемін.

1991-1995 жылдар аралығында қазақ елінің қиын-қыстау кезеңдерді басынан кешірген тұста Қорқыт ата атындағы Қызылорда гуманитарлық университетінің ректоры лауазымында оқу орнының ел өзгерісімен қатар жүріп, облысқа қажетті мамандар даярлау ісіне елеулі үлес қосқанымды еңбек жолымның беделді сатысы деп білемін. Бүгінде 85 жылдық тарихы бар оқу орны Н.В. Гоголь атындағы Қызылорда педагогикалық институты болған уақытта жаңадан мамандықтар ашып, университет статусын алуға, ата түрік дәстүрінің символы саналатын Қорқыт есімін алып беруге, сондай- ақ, осы күні қаланың көркін келтіріп тұрған бас ғимаратты алып беруге аянбай еңбек еткенім- оқу орнымен қабат өрілген өмір жолымның тарих қойнауына кеткен қуанышты сәттері.

«Жақсы маман мен саналы студент – кез келген оқу орнының қос қанаты» десек, қанаты қарымдылар ғана алысқа самғай түспек. Ендеше облыс жұртшылығының рухани даму орталығына айналған білім ордасынан ел тұтқасын ұстар жастар, кәсіби білікті мамандар шыға берсін тілейміз! Киелі шаңырақтың мәртебесі өсіп, алар асулары биік болсын деп тілеймін!

Ыстық ықыласпен,

Қызылорда «Болашақ» университетінің
ғылыми жтекшісі, ҚР ҰҒА академигі,
экономика ғылымдарының докторы,
профессор

Досманбетов Бақберген Сәрсенұлы